

ヲ御觸アリ、此時鍋島主水工學問方頭人被仰付、

〔續日本紀二十九〕神護景雲二年八月癸丑、賜大學直講正七位上凡直黑鯛伊豫國稻一千束、並授其母從八位下、賞勤學也、

〔元亨釋書二〕釋善珠、姓安部氏、京兆人、或曰太皇后藤宮子之藥子也、少魯鈍、而以此為恥、學唯識宗、

習因明論、昏窒不通、勵志無撓、時毒暑、頭腫如熟瓜、鬢髮盡落、珠之勤業、率類之、以故博該三藏、延曆十

六年正月、侍皇太子病、事在資治表、其年四月化、歲七十五、

〔文德實錄四〕仁壽二年十二月癸未、參議左大辨從三位小野朝臣篁、篁參議正四位下、岑守長子也、

岑守弘仁之初、為陸奧守、篁隨父客遊、便於據鞍、後歸京師、不事學業、嗟峨、天皇聞之、歎曰、既為其人之

子、何還為弓馬之士乎、篁由是慚悔、乃始志學、十三年春、奉文章生試及第、

〔三代實錄四〕貞觀二年十月廿九日乙巳、正三位行中納言橘朝臣岑繼、繼者贈太政大臣正一

位清友朝臣孫、而右大臣贈從一位氏公朝臣之長子也、氏公朝臣是仁明天皇之外舅、岑繼所生、是仁

明天皇之乳母、故天皇龍潛之日、陪於藩邸、稍蒙寵幸、岑繼身長六尺餘、腰圍差大、為性寬緩、少年愚鈍、

不好文書、天皇見其無才、歎曰、岑繼也是大臣之孫、帝之外家、若有才識、公卿之位、庶幾可企、何其不讀

書之甚哉、岑繼竊聞、慙恐於心、乃改節勵精、從師受學、書傳略通、意旨、

〔三代實錄五〕貞觀三年九月廿四日乙未、正五位上行刑部大輔豐階真人安人卒、○中安人少幾悟

有局量、以好學早知名、涉讀史傳、最精漢書、○中卒時年六十五、

〔元亨釋書二〕釋明詮、十許歲、離家入元興寺、學相宗、始不敏、志抱屈、乃欲出他之適、雨降、憩殿陛、見簷

溜落階、其石皆窪、忽猛省曰、至柔穿至堅、漸積之為也、我雖昏愚、豈可息乎、便還房、勵所業、晝夜不懈、寢

滄齊舍、自此得高譽於南方、貞觀六年任僧都、十年五月十六日卒、年六十、

〔三代實錄十七〕貞觀十二年二月十九日辛丑、參議從三位春澄朝臣善繩、善繩字名達、左京人也、○中